



Fasti Mariani

Brunner, Andreas

Antverpiæ, M.D.C XXX III.

S. Adrianvs M. 8. Septembris.

[urn:nbn:de:hbz:466:1-70962](#)

quendam annis permultis sub eam noctem, quæ diem Virginis natalē præit, vidisse sidus ingens cælo se demittere, & festivis ignibus ædem Lauretanam exornare: utrumque porrò Angelis doctribus didicisse, id ob Cunarum virginearum memoriam Superos factitare. Echo itaq; solum est omnis hodie mortaliū plausus, quām cælum suis concentibus provocat, utinam vel ad ultima hujus vota responsura! scintilla est, ab æthere in animos hominum illapsa, utinam in incendia abitura! Bene profecto Innoc. IV. quod à morte Cælestini IV. Pontif. Max. creatio, quam Frider. II. Imperat. turbare nitebatur, VIRGINIS ope feliciter successisset, patronæ cunas omnibus annis dies VIII. celebrari jussit. Sed hoc etiam parū esse, audacter dico. Felices illæ Cunæ, illæ linguae, in quibus quotidie M A R I A cum aurorâ nascitur, cum sole vivit, & neque cum die emoritur. Ex Duran. Beleth. Vincent. Tursell.

S. ADRIANVS M. 8. Septembbris.

MAppam dixisset martyrum sanguinem, qui hunc mitti vidisset, tam ad pugnam Christianos olim passim excivit. Ita ADRIANVM ex equestri ordine virum, ut Christo militaret eadem prælia, martyrum gloria & invicta in tormentis constantia accende-

Ii runt.

8.SEP.T.

496 *Vitæ Sanctorum.*
runt. Et vicesse etiam se ratus est, cùm
manus tyranno dedit vineulis ligandas,
ex quibus cùm aliquot post dies cum
bonâ veniâ egressus ædes suas repe-
ret, conjunx ejus Natalia fortissima
matrona transfugam è sanctis castris
adventare rata tecto exclusit, nec prius
admisit, quām fidem se DEO servasse
ostenderet. Quin ipsa in vincula re-
duxit maritum, ipsa cùm cæsus ilia ef-
funderet, dictis firmavit. Et quia fœ-
minis aditus ad ergastula martyrum
jam negabatur, positis capillis, ut viro
fœmina animos adderet, virum induit,
cumque membris truncandi janæ Chri-
sti milites essent, id scilicet à carnifice
multis precibus blanditiisq; exoravit,
ut primas conjux teneret; ab hoc vero,
ut sponte manus securi subjiceret. Ipsa
dexteram ADRIANI legens thesauri
loco (& erat) asservavit. Nec multò
post cùm ADRIANVS ad cælitū galli-
dia Nataliam etiam invitasset, conjugi
suo conjunx iterum & æternum juncta
est. Quamvis quid conjuges dico,
quando in utroque virum agnovimus?
Ex Surio.

S.CORBINIANVS EPISC.
18.Septembri.

CORBINIANVM fugientem è Gal-
liâ honor Romæ assècutus in totius
orbis oculis insulâ mactatū in patriam
remi-